

Bosa Mɛkana mɛte yi Pol kɛtima kɛnjɛ ɓotu bɛ Tesalonik

Yo Pol, mɔ tomun Yesus Krist kɛtɛ mɛkana mɛte yɔkɔ kɛnjɛ bɛkritɛn bɛ Tesalonik. A kɛti yo kɛ Kɔrɛntɔ tomse nɛ Timɔtɛ.

Mɛkana mɛte jɛki lɛpɔ kasi njɛna Kumandɛ Yesus Krist. Pol kɛ lɛpɔ nyɛ bɛkritɛn bɛ Tesalonik ndɛ, ɓo kɛn mbɔmbu bakiɗyɛ mɛyasi mɛte yi nyɛ tɛɗya ɓo kɛ nɛ koŋ koŋ, kite ɓo ndɛ, ɓo ɓakiɗya mɛyotu man pupunate kɛ mbɔmbu Njambiye. A kɛ tɛɗyɛ sendi ɓo mɛyasi kɛ kasi ɓotu bɛtɛ bɛ gwe ɓaka, kite ɓo ndɛ, ɓo kɛn mbɔmbu bɛ nɛ ɓiɓina temɔ ndɛ, Kumandɛ Yesus ta kala nje gbate.

Wusɛ yakama ɓakɛ mɛkana maka kɛ nyanɗwɛ mɛnɗabiye yitan:

1. Kimɔ jonɗwɛ te yi bɛkritɛn (kumte 1).
2. Kimɔ mɔ mɛsay nɛ sol te yi nyɛ ta bɛ nɔ kɛ (kumte 2).
3. Tikina temɔ te yi kpasa kritɛn yâkanɗwɛ bɛ nɔ kɛ (kumte 3).
4. Kritɛn ɓɛki nɛ ɓiɓina temɔ kɛ yi Njambiye. Njɛna Kumandɛ Yesus yí nje ɓu ɓotu bɛnɛ kɛ nɔ ɗyɔɓɔ (kumte 4).
5. Kasi *Yesɔ te yi Kumandɛ Yesus (kumte 5).

¹ Yo mi Pol nɛ Silvɛ nɛ Timɔtɛ, yo wusɛ kɛtɛ mɛkana maka kɛnjɛ wunɛ njɔŋ ɓotu bɛtɛ bɛ ma tiko temɔ kɛ yi Yesus Krist kɛ Tesalonik

ɓaka. Wuse kɛti kenje wune njɔŋ ɓotu ɓete ɓe wokuna ne Saŋgwe Njambiyɛ, wokuna ne Kumande Yesus Krist ɓaka. Ɔo kɛl ŋgikwa ne wune, nye sendi wune tete.

² Wuse ke nye Njambiyɛ wosoko menɓimo hene keto yun, take sendi wune hene ke moy menɓweta musu. ³ Wuse ke ɗiki lepɔ menɓimo hene ke mbombu Saŋgwe Njambiyɛ wusu nda yi wune kele ne mesay, keto wune ma tikɔ temɔ ke yi Yesus, lepɔ sendi nda yi wune gwe ne mesay, keto wune ne temɔ te yi mekwadya. Wuse ke ɗiki lepɔ sendi nda yi wune ke mbombu ɓe ne ɓibina temɔ hene ke yi Nyangwe Kumande wusu Yesus Krist ke. ⁴ Wune njɔŋ, wuse duwɔ nde, Njambiyɛ ke kwadye wune. A tokuma wune nde, ne wune ɓe ɓomɔ ɓene. ⁵ Wuse duwɔ ɗete, keto lepina Kimɔ Tom te yi wuse lepima nye wune ke, wuse ti lepɛ ndi yo lepɔ ne numbu na, wuse lepima yo ne ɗeti te yi Njambiyɛ ne yi Kimɔ Sisiŋ, tedye sendi gbate nde, meɓepi mete gbakasi. Wune ɓeŋma nda yi wuse joŋnama no ke njoka yun ke. Wuse joŋnama ɗete yi kame ne wune. ⁶ Wune ɓeŋgwa joŋgwe ɗyusu, ɓeŋgwe sendi joŋgwe Nyangwe Kumande. Yo nde, wune saŋgwama ne meɓone ɓudfyate, ma ko ɓekɔ ɗete, wune jayma Kimɔ Tom ke kasi Yesus ne mesosa te yi Kimɔ Sisiŋ nye ke temɔ ke. ⁷ Ɗete, wune tedya nye ɓomɔ hene ɓe ma tikɔ temɔ ke yi Yesus ke Maseduwan ne ke Akay nde, ɓo kɛl nda wune. ⁸ Yo nde, meɓepi me Nyangwe Kumande yi wulma pe yun nyanja ke no ke ti teme ndi ke Maseduwan ne ke Akay

na. Yasi wete, ke membey hene bomo ke lepo nda yi wune tike ne temo ke yi Njambiyε ké. Dete, yiᅇa yaᅇa te yi wuse yakama lepo sendi kete yeti na. ⁹ Keto botu bete ne ᅇguru wan ke yekidyε nda yi wune boᅇma ne wuse kimote ké. Bo ke yekidyε nda yi wune tumma koᅇ ne benjambiyε bete be wune dikima kanᅇ baka yi beᅇgwe ndi kpara Njambiyε, yoko ε ne joᅇ, yoko ε kete gbate, né wune kel mesay nye nye. ¹⁰ Wune tumma sendi koᅇ ne benjambiyε te bete yi ladye nde, Monᅇ wene Yesuᅇ yi nye womiya soᅇ ke njoka bemuᅇ ko njâki wule kwey. Yo Yesuᅇ te ke joᅇgwe wuse ndana, joᅇgwe sendi wuse ke ᅇgimo te yi Njambiyε ta tedye ᅇgambi ne ké.

2

Mesay mete yi Pol kelma

ke Tesalonik ké

¹ Wune njoᅇ, wune ne ᅇguru wun ke kobile duwe nde, yo ti be gbelate yi wuse ka beᅇe wune ké na. ² Wune duwaᅇ sendi nde, wuse kandima saᅇgwa ne mebonε, saᅇgwa sendi ne wuᅇgwa ke Filipi. Yasi wete, Njambiyε nya wuse deti ke temo yi lepo ne Kimᅇ Tom ne nye wune, ko beko nde, wuse saᅇgwama ne dyambi ke dya dyun. ³ Ke meᅇgite mete yi wuse nye bomᅇ ké, mesebila ne kotu metake ne likisi yeti ke moyte na. ⁴ Yasi wete, Njambiyε kandima boᅇe wuse, duwe metake musu, ε nye jaye wuse nje kanε Kimᅇ Tom ne nye wuse, né wuse ke lepi. Dete, wuse ti lepinawᅇ lepinawᅇ, né bomᅇ jay wuse na, yasi wete, wuse lepi yasi te yi Njambiyε

ta jaye wuse, keto yo nye bofe temo mumo, duwe metake mene. ⁵ Wune ke kobile duwe nde, ko wuse ti lepina ne mbet ne membombila ke moyte na. Njambiyε ke duwe sendi nde, ko wuse ti lepina ne mbet ne metake mete yi bu ne yiya yasi ke mebo mun na. ⁶ Wuse ti sa nde, mumo luksa wuse na, ko wune ko banja bomo na. ⁷ Wuse ba ne deti te yi diyε meyasi hene ke mebo mun, keto wuse botu be tomun be Krist. Yasi wete, wuse jonnama ne te ke njoka yun, nda yi nyangwe ne mono gukule ne bono bene ke. ⁸ Mekwadya mete yi wuse ba no ke temo sangwe ne wune ke kelma nde, wuse kwadyikwe wune kwa to te. Dete, yeti ndi lepina Kimo Tom Njambiyε nyepo yi ba nde, wuse lēpi nye wune na, wuse ba sendi nedo te yi nye jonngwe dyusu keto yun. ⁹ Wune njon, wune ke duwe gbate nda yi wuse kelma ne mesay wondo biriki sangwa ne katina yotu ke. Wuse kelma mesay dete tu ne yeso, kambō wete mumo ke njoka yun me nje gwe mesay keto su. Wuse kelma dete pele ne Kimo Tom Njambiyε nye wune. ¹⁰ Wune ne nguru wun ke duwe dete. Njambiyε sendi ke duwe nde, wuse jonnama pupunate ke misi mene, jonna ne ngben ke njoka yun kine kelo yiya yasi te yi wuse yakama be ne mendeya kete na. ¹¹ Wune duwa sendi nde, wuse jonnama sine bomo hene ke njoka yun nda yi sangwe ne mono jonna no bene bono ke. ¹² Wuse kitima wune nye wune deti ke temo. E wuse kobile lepō sendi nye wune nde, wune jonngwe nda yi Njambiyε kwadye ke. Yo Njambiyε te ne nguru wene ke

jeba wune, né wune nyin ke *Kando dylene, be sendi ne meluksa mene.

¹³ Dete, wuse ke ke mbombu yi nye sendi Njambiyé wosoko metu hene, keto ke wuse ma lɛpɔ mɛlɛpi mɛnɛ nye wunɛ kɛ́, ɛ wunɛ wɔkɛ yo, jayɛ sendi nde, yo gbate mɛlɛpi mɛ Njambiyɛ, yeti mɛlɛpi mɛ mumɔ na. Wunɛ wokuma jayɛ nde, yo gba dɛtɛ, yo mɛlɛpi mɛ Njambiyɛ yi ke kelɔ mɛsay ke mɛtemɔ mun, wunɛ bɛ tikɛ temɔ ke yi Yesus baka. ¹⁴ Wunɛ njɔn, wunɛ saɔgwama nɛ kiya mɛyasi mɛtɛ yi mɛnjɔn mɛ botu bɛ Njambiyɛ, botu bɛtɛ bɛ ma tikɔ temɔ ke yi Krist Yesus saɔgwama nɔ ke Yuda kɛ́. Bemaɔ bun tɛdya wunɛ mɛbɔnɛ nda yi Beyudɛn tɛdya sendi nɛ ban kɛ́. ¹⁵ Yo bo, Beyudɛn wo Nyangwɛ Kumande Yesus. Yo bo sendi wo botu bɛ punja mɛlɛpi mɛ Njambiyɛ tɛdye sendi wuse nyangwɛ mɛbɔnɛ dɛdye wuse. Njambiyɛ yeti ke jayɛ bo na. Bo yeti nɛ nɔnɔ bɛnɛ bɔmɔ na. ¹⁶ Bo ke petɔ wuse nde, wuse tɛ lɛpi Kimɔ Tom tɛ yi jɔngwɛ nye botu bɛtɛ bɛ yeti Beyudɛn na. Bo kɛl dɛtɛ, kambɔ botu bɛtɛ mɛ nje bɛ nɛ jɔngwɛ tɛ yi kpo nɛ kpo. Dete, metu hene bo ke ke mbombu yi tonje mapi beya mɛkele man. Yasi wɛtɛ, yi siyɔ nɔ, nɔgambi Njambiyɛ njɔ balɔ ke to yan.

¹⁷ Wunɛ njɔn, ke bɛ wuse, kandɛ ke mɔnɔ metu mɛtɛ yi sine wunɛ ma bákaɔgwɛ nɔ kinɛ mɛbɛnɛna kɛ́, temɔ su ndi ke yotu yun. Temɔ su dɛkɛ nɛ pɛpɛpɛ yi bɛnɛ wunɛ. Wuse ke kelɔ mɛyasi hene, né wuse kɛ bɛnɛ wunɛ. ¹⁸ Yori yi wuse kwadya basidye kɛ pɛ yun kɛ́. Gba mi Pol, mi bɔbɔma kumɔ mɛnɔga yiba, ɛ *Satan keɛ

nde, wuse tĩ ken na. ¹⁹ Kome Nyangwe Kumande wusu Yesus ta nje ké, yo be nda ta kelo nde, wuse t̄ema ke mbombu wene kine njon ke misi? Yeti gba wune ta kelo nde, wuse t̄ema d̄ete na? Keto yo wune kele nde, wuse b̄eki ne bibina temo ke meyasi mete yi nje mbombu ké. Yo wune kele sendi nde, wuse b̄eki ne mesosa, be ne d̄ungwe te yi tedye nde, wuse laṅsama ké. ²⁰ Keto yo wune kele gbate nde, wuse b̄eki ne meluksa, be sendi ne mesosa.

3

¹ Yi k̄e no mbombu, wuse t̄i be se ne d̄eti te yi d̄iyɔ kine woko kasi yun na. Yori yi wuse pesima nde, he ta d̄iyɔ su bepo ke Aten, ² ε wuse tome maṅ wusu Timote, yoko ε kele mesay me Njambiyε sine bo ke lepina Kimɔ Tom *Krist ko nde, a k̄en beṅε wune. Wuse kenja nye, na k̄e nye wune d̄eti kite wune nde, wune k̄en mbombu tiko temo ke yi Njambiyε. ³ Wuse kelma d̄ete, kamba ma nyangwe mebɔne mete yi wuse saṅgwa no ndana ké me nje kelo nde, baṅa ke njoka yun nd̄eṅsaṅgwe. Wune ma duwe ne ṅguru wun nde, Njambiyε sima si kpo nde, wuse ta saṅgwa ne meyasi mete menɔri. ⁴ Sendi, ke ṅgimɔ te yi wuse ba no sine wune ké, ε wuse kande lepo nye wune nde, wuse ta saṅgwa ne nyangwe mebɔne. Ma yoke yi d̄yanma ké, wune ma kombile duwe d̄ete. ⁵ Yori yi mi kenja Timote nde, a k̄en beṅε, simande wune ndi ke k̄e mbombu yí tiko temo ke yi Njambiyε, keto mi t̄i be ne d̄eti te yi disima k̄e no mbombu kine woko monɔ kasi yun na. Mi ba ke gwe kaṅ nde, *Mo

ƒoƒuna ƒomɔ me nje sebile wune, kamba mesay mete yi wuse kelma ke me nje gwe ne gbelate.

⁶ Ndana yo me ke monɔ metu yi Timote yɔkwa nɔ weri ke. A nja lepo kimɔ meyasi nye wuse ke kasi yun. A nja lepo nde, wune ke ke mbombu yi tiko temo ke yi Njambiyɛ, wune ke kwadɔya take wuse metu hene. Sendi, wune ne yesidye beɲna su nda yi wuse gwe ne yesidye beɲna yun ke. ⁷ Wune njoɲ, dete temo su ma weye ke kasi yun, keto wune ke ke mbombu yi tiko temo ke yi Yesu, ko beko nde, wuse ke moy nyanɔwe meɓne. ⁸ Ndana yotu su ma deto, keto wune ke ke mbombu yi diyo ne ngbingim ke yi Nyanɔwe Kumande. ⁹ Ko nyanɔwe wosoko te yi wuse nye Njambiyɛ keto mesasa mete yi wune nye wuse ke temo ke mbombu wene ke deke ne mbet ke misi musu. ¹⁰ Wuse ke ngweta ne Njambiyɛ ne temo su hene, diyɛ nye tu ne yeso nde, a nyeki wuse deti, ne wuse basidye beɲɛ wune, ne wuse ke mbombu yi tedye wune yasi te yi wune ti pa duwe ke kasi tikina temo te yi wune tike ke yi Yesu ke.

¹¹ Wuse ke ngweta ne Njambiyɛ Saɲɔwe wusu nde, nye ne nguru wene ne Nyanɔwe Kumande wusu Yesu kombila nje nye wuse, ne wuse ke pe yun. ¹² Nyanɔwe Kumande kel nde, mekwadɔya mun ken ndi kendo mbombu. A kel nde, wune kwadɔyanɔwe kwa to te, kwadɔye sendi ƒomɔ hene nda yi wuse kwadɔye ne wune ke. ¹³ A nyeki wune deti ke temo, ne metemo mun be ne te kine mendeya na, ne yo be pupunate ke mbombu Njambiyɛ Saɲɔwe wusu

kome Nyangwe Kumande wusu Yesus ta nje bene botu bene hene ké.

4

Bekriten yâkanɔwe jonna nan?

¹ Wune njɔn, yí sídye nɔ, wuse ke kè mbombu lɛpɔ nye wune nde, wuse ma tedye wune nda yi wune yâkanɔwe jonna nɔ, né Njambye woku mesosa ne wune ké. Yo gbate nde, wune me ke jonna nda yite. Ma ko bekɔ dɛte, wuse ke lɛpɔ ɲgwɛta ne wune ndana ke dɛnɔ Nyangwe Kumande Yesus nde, wune kèl kwà yite. ² Wune ke kombile duwe meyasi mete yi wuse tedya wune ne dɛnɔ Nyangwe Kumande Yesus ké. ³ Keto Njambye kwádyikwe nde, wuse tiki kelna beya meyasi me meneti maka, bakidye meyotu musu pupunate ke mbombu wene, tikɔ kelna mewanja. ⁴ A kwádyikwe sendi nde, mumɔ hene ke njoka yun dúkwe bakidye gba yotu te wene. A dúkwe bakidye yo pupunate ke misi me Njambye dɛse yotu ne. ⁵ Mumɔ tɛ jaya nde, mewobo mete yi membundo nam nye nda yi mekando me botu bete be ti dúkwe Njambye kele ké na. ⁶ Ke meyasi menori, mumɔ tɛ sebila man, ho kelo yiɲa beya yasi sunɔwe ne nye na. Keto Nyangwe Kumande ta tedye mebɔne nye botu bete be kele kwalɔ mekele mete yite baka. Wuse ma si lɛpɔ nye wune, ε wuse lɛpɛ nde: Kpe! ⁷ Keto Njambye ti jébanɔwe wuse, né wuse jonna ke moy kelna mekele me memi na. Yasi wete, a jébanɔwe wuse, né wuse tiki kelna beya meyasi me meneti maka bakidye meyotu musu

pupunate ke mbombu wene. ⁸ Dete, mo te e yeliye melēpi maka, a ti yélkwe mumo na, yasi wete, a yélkwe Njambiyē, nye e nya sendi wune Kimo Sisiŋ ne ko.

⁹ Wune njon, wuse ti gwe ne keto mekana kenje wune nde, wune kwadyangwe nda beman na. Keto wune ne nguru wun ma woko nda yi Njambiyē ma tedye wune nde, wune kwadyangwe ké.

¹⁰ Yo gbate nde, wune ke jonna dete wune benjon bun hene ke ndingele meneti me Maseduwan. Wune njon, ko beko dete, wuse ke kite wune nde, wune kel kwā yite. ¹¹ Wune nyēki sosu yi sa nje te yi jonna ne te, nye temo ndi ke mekele mete yun ne nguru wun, kelo sendi mesay ne mebo mun nda yi wuse lepima nye wune ké. ¹² Nge wune kele dete, botu bete be ti pa yensa temo tiko ke yi Yesus baka ta jeso wune. Sendi, wune ti jombo yana ke bo mumo na.

Kasi njena Kumande wusu

Yesus Krist

¹³ Wune njon, wuse yeti ke kwadye nde, wune diy ne yekere ke kasi botu bete be ma gwe baka na, ma wune me nje be ne metake nda botu bete be yeti ne bibina temo ke yi Yesus baka.

¹⁴ Keto nda wuse ke tiko temo gbate nde, Yesus gwā nje womiyē ké, dete wuse ke tiko sendi temo nde, Njambiyē ta womiyē botu bete be ma gwe be tikima temo ke yi Yesus nda yi nye womiya ne Yesus ké. ¹⁵ Yasi te yi wuse ta lepō ndana nye wune ké, yo yasi te yi Nyangwe Kumande ne nguru wene lepima ké. Yo nde, ke *Yeso

Nyaŋgwe Kumande wuse botu bete be ta be ndi ne jon baka, ko wuse tí kande kwa tiko botu bete be ma gwe baka na. ¹⁶ Keto Njambiye ta bete men nde, meyasi kânda. He ta woko men wete detina jaki wene, woko sendi tɔŋna dombiya Njambiye. Ke ngimo te yite Nyaŋgwe Kumande ne nguru wene ta siliye wule dyobo. Komete, botu bete be gwa piŋo te yi bo ma yeŋsa temo tiko ke yi *Krist baka ta kande womiye. ¹⁷ Ke kɔŋte, wuse botu bete be ta be ne jon ke ngimo te yite baka, Njambiye ta kaŋe wuse sine botu bete be womiya baka ke kulutu kè saŋgwa ne Nyaŋgwe Kumande ke kwey. Dete, sine be Nyaŋgwe Kumande ta diyo kpo ne kpo. ¹⁸ Ndana, mumo hene ke njoka yun wêdya temo jakoso ne melepi maka.

5

¹ Wune njon, wuse tí gwe ne keto mekana kenje wune ke kasi ngimo nè ke kasi metu mete yi meyasi mete ta dya kete ké na. ² Keto wune ne nguru wun ke kobile duwe nde, *Yeso Nyaŋgwe Kumande ta ngbake wuse ngbaka nda yi mo gubo nje no ne tu ké. ³ Ke ngimo te yi bomo ta lepɔ nde: <Yasi hene ne te, yaŋa yeti ké!> Yo ke ngimo te yite yi nyaŋgwe kemiye ta balo ke to yan ngbake bo nda yi kwana moy mɔ ngbake ne nyari ké. Ko mumo wete ne wete ke njoka yan tí diyo na. ⁴ Wune njon, ke be wune, wune yeti nda botu bete be diye ke yitil, né yeso te nje ngbaki wune nda mo gubo na. ⁵ Keto wune hene botu be mejasi. Wune botu be yeso. Wuse yeti

botu be tu ho botu be yitil na. ⁶ Dete, wuse tî jonnanɔwɛ nda botu bete be kwɔ nɛ jako baka na. Yasi wɛtɛ, wuse pêm yasi. Sendi, wuse tî jeki nye temɔ ke meyasi na. ⁷ Keto botu bete be ya baka, bo yáki nɛ tu. Sendi, baka be gwe menjam baka, bo gwáki nɛ tu. ⁸ Ma wuse su botu be yesɔ, wuse bîya metemɔ musu ke meyasi. Wuse kên mbombu tiko temɔ ke yi Yesus, bɛ sendi nɛ temɔ mekwadya nda yi mumɔ lenɛ nɛ lambɔ sumba dyambi yí petɔ nɛ beti dyenɛ ké. Wuse bêki nɛ bibina temɔ ke yi Yesus nde, a ta nye wuse jonɔwɛ. Wuse bêki nɛ bibina temɔ dete nda yi mumɔ bɔ nɛ guka sumba lenɛ ke to kɛ nɔ dyambi ké. ⁹ Keto Njambiyɛ tî tɔke wuse nde, né wuse sanɔwɛ nɛ nɔgambi nɛ na, yasi wɛtɛ, a kpoma nde, wuse ta bɛ nɛ jonɔwɛ te yi kpo nɛ kpo, keto Nyannɔwɛ Kumande wusu Yesus Krist. ¹⁰ Yesus Krist gwɔ gbate yí jonɔwɛ nɛ wuse. Dete, ko bɛko nde, wuse békɛ ndi nɛ jon, ho nde, wuse ta si gwe, sine be Yesus ta jonna komɛ nye ta nje ké. ¹¹ Ma yɔko kíta jakɔsɔ, yɔko kama maɔ, na dɔku ke meɛpi mɛ Njambiyɛ nda yi wunɛ keɛ ké.

¹² Wunɛ njɔɔ, wuse ke nɔgwɛta nɛ wunɛ nde: Wunɛ jêsi botu bete be keɛ mɛsay ke njoka yun baka. Yo Nyannɔwɛ Kumande tembidyɛ bo nde, bo kê kita wunɛ. ¹³ Wunɛ kômbila jɛsɔ bo, kwadyɛ sendi bo, keto mɛsay mɛte yi bo keɛ ké. Wunɛ jônɔnanɔwɛ nɛ tɛ tandɛ yun. ¹⁴ Wunɛ njɔɔ, wuse ke kɛ mbombu nɔgwɛta nɛ wunɛ nde: Wunɛ bâmanɔwɛ nɛ botu bete be jonna nɛ ndul ndul baka. Wuse ke nɔgwɛta sendi nɛ wunɛ nde: Wunɛ wêdya metemɔ mɛ botu bete be gwe

kaŋ baƙa, kame baƙa be ne teko baƙa. Wune disimaŋgwe bomo hene. ¹⁵ Wune dŋy ne soso, nge mumo kele beya yasi sunƙwe ne jakoso, a ti yokidya kelo sendi beya yasi ne nye na. Yasi wete, wune saŋ nje te yi kelo kimo yasi metu hene tande yun, kelo sendi dŋete sunƙwe ne bomo hene. ¹⁶ Wune sosanƙwe menƙimo hene. ¹⁷ Ne ngwetaŋgwe ne Njambiye metu hene. ¹⁸ Wune nyeki Njambiye wosoko ke meyasi hene te yi yakama dya ke. Keto Njambiye kwadyikwe nde, wuse kel dŋete ke jongwe dyusu sine be Krist Yesus. ¹⁹ Wune ti peti mesay me Kimo Sisiŋ na. ²⁰ Wune ti yelƙwe melepi mete yi botu be punja melepi me Njambiye lepe ke na. ²¹ Yasi wete, wune namba meyasi hene, bakidye meyasi mete yi be kimote ke. ²² Wune tiki kelna beya mekele hene.

²³ Njambiye te e nye tete ko kel nde, jongwe dyun hene beki pupunate ke mbombu wene. A bakidya metemo mun ne jongwe dyun ne meyotu mun hene ne njololo kumo ke ngimo te yi Nyangwe Kumande wusu Yesus Krist ta nje ke. ²⁴ Yoko e jeba wune ko ta kelo yasi te yi nye ma kpo ke gbate, keto nye yoko e tonje meyasi hene te yi nye kpo ke. ²⁵ Wune njon, wune ngwetaŋgwe ne Njambiye keto su. ²⁶ Wune nyen benjon busu hene wuse bo ne kimo temo te yi Njambiye. ²⁷ Mi ke kombile lepo nye wune ne dŋino Nyangwe Kumande nde: Wune tol mekana maka nye benjon busu hene. ²⁸ Ngikwa te yi wule ke yi Nyangwe Kumande wusu Yesus Krist beŋnanƙwe pe wune.

Μελεπι με Njambye Jonja Mbon
Kako: Μελεπι με Njambye Jonja Mbon New
Testament
Le Nouveau Testament en langue kako (kako-est)
Cameroun et RCA

copyright © 1999 Wycliffe Bible Translators, Inc.

Language: (Kako)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

01d5712f-3809-5574-9928-b20d539536e3